

ՎԵՐԱՕԾՎԵՑ ՍԱՅԴԱԲԱԴԻ Ս. ՄԱՐԻԱՍ ՀԱՅԿԱԿԱՆ ԵԿԵՂԵՑԻՆ

Մարտի 4-ը նշանակալից օր էր հնդկահայ գաղութի համար. Հնդկաստանի և Ծայրագույն Արևելքի Հայրապետական Պատվիրակ Ս. Ադան արքեպս. Պալիոզյանի ձեռամբ և մասնակցությամբ հնդկահայոց հոգևոր հովիվ Ս. Օշական վրդ. Գյուլգույյանի, Մայր Աթոռի միաբաններ Ս. Վարդան արք. Նավասարդյանի և Տիգրան սրկ. Բաղունյանի օծվեցին Ս. Մարիամ վերանորոգված եկեղեցու Ս. Սեդանն ու պուրների 16 խաչերը:

Սայրաբադի Ս. Մարիամ հայկական եկեղեցին կառուցվել է 1758 թ. ջուղայեցի նշանավոր վաճառական, բարեգործ Խոջա Պետրոսի անձնական միջոցներով: Անցած տարի Կալկաթայի նորընտիր եկեղեցական վարչության նախաձեռնությամբ ամբողջովին վերանորոգվել է եկեղեցին, կառուցվել նոր զանգակատուն և հյուրատուն, բարեկարգվել է եկեղեցուն կից տարածքը և հայ համայնքին են վերադարձվել նախկինում ապօրինաբար զավթված տարածքները:

Օճման արարողությունից հետո Ադան Սրբազանը ջերմորեն շնորհավորեց ամենքին նշանակալից օրվա կապակցությամբ՝ ընդգծելով, որ հնդկահայության ուսերին ծանր և քաղցր բեռ է դրված՝ հայաշունչ պահելու այս հոյակերտ եկեղեցին, ուր դարեր շարունակ հնչել է հայ մարդու աղոթքն առ Աստված: Սրբազան Հայրը նաև իր գնահատանքը հայտնեց եկեղեցական վարչության անդամներին և հնդկահայոց հոգևոր հովիվին՝ նախանձախնդիր և ջանադիր աշխատանքի համար:

Այնուհետև կատարվեց հոգեհանգիստ եկեղեցու բակում թաղված հայորդիների հոգիների խաղաղության համար:

Արարողությանը ներկա էին եկեղեցական վարչության անդամները, հնդկահայեր և ԱՄՆ-ից այս առիթով ժամանած՝ Սայրաբադի հայկական եկեղեցու վերջին խնամակալներ Մատթեոս և Մերի Կարապետյանների դուստրը՝ տիկին Լուսի Այվազյանը, և թոռնուհին՝ տիկին Հեղինե Քրեյը:

ԴԻՎԱՆ ԿԱԼ ԿԱԹՈՍՅԻ ՀԱՅ ՀԱՄԱՅՆՔԻ